

FILIPIFO

Kukue Ko Paulo Lɛwɔni Útə Filipifo

¹ Mɔ, Paulo, ku Timoteo ba ni Kristo Yesu eto beyifoyifo lɛwɔni kukue komfo.

Bufi bɔnlɛ kɛtə mi Onanto eto bafokanɔfo kenke ba nkpe lə Filipi nya biyifo bani ku Kristo Yesu, ɛwunsə lə mi batɔnkotɔnko ku mi bawunsəkotsyuə tsya. ² Bɔlɛ bɔtɔ boə Boanto Onanto ku Bonamute Yesu Kristo eto lefonə ku diyuə lə disieko mi.

Paulo Áto Ola Lə Bafokanɔfo Ba Nkpe Lə Filipi Eto Disi.

³ Lefe saa nə ke minkloma mii, maaso mɔ Onanto ani lə mi disi ⁴ Nya lefe saa nə ke minlɛ ola boto lə mimblɛ kenke eto disii, maato wə ku disuəyuə. ⁵ Itsyi lə kase bɛwunsəko mɛ lə Ditiki Sɛɛ nɛmə eto keyifo əsuə idu lə kaso ketsyikoko ibə ese mɔmɔ eso. ⁶ Mfo nno miə Onanto wə ditsyiko keyifo sɛɛ kamfo kaso lə mi ntii, ebusukosə ke isu ese kalosəko lə Kristo Yesu eto dibəfe nɛmə.

⁷ Bekpe mɛ lə nsusu lefe saa nya ɛlɛke itə bə nkebu disi ketsyiko lə mimblɛ əsuə nko. Itsyise mimblɛ efi kətsyuə lə kusu ko Onanto dítə mɛ, mɔmɔ əmə minlabe lə diyo ku lə lefe nə mísie lə mɔ əsuə əsuə bə lə nta Ditiki Sɛɛ nɛmə disi bə lə betidi lə bafɔ ni banɔ bənyə kekkeke. ⁸ Onanto ni mɔ odansie nkə sitinti minlɛ bɔtɛyi minkə lelabi nə eto okle nkpe lə

Kristo Yesu əsue úte boo, ni okle minfi minle mi butə nɛ.

⁹ Nlɛ ola boto miə mi lelabi nə nkpe mii, lə disi lebe kato lekpe lesə, lə befo ditiki nəmə kasə bəno kala kələkə kukəno kətə əsue.

¹⁰ Nyamfo luutə befo lesa sɛɛ buləkə kətə əsue bə lə Kristo eto diyi nəmə əsueə, biuyifo basɛɛ ba əsue dikpilolo saa ləmbəkɛ. ¹¹ Əwunsə lə nyamfo əsueə, bə lə kasɛyifoyifo ka eto okle Yesu Kristo hã lətə utidi leeyifoo, lə keyi mi əsue, bə lə befi babesɛ Onanto kato, bətə wə dibu ku atəsə.

Utidi Wə Leeyifo Yesu Eto Keyifo, Ebunyə Nkpe.

¹² Mə bayimi, nla miə bete sitinti miə asa nnya dítu mɛɛ, əbə əwunsə bə Ditiki Sɛɛ nemə əbə dínyə sətəsusu bomu. ¹³ Itə nyasoo, bamamanyə ba kenke nkpe lə lekayo mfo ku betidi bamba kpə ba kenke nkpe lə lekayo mfo ənyə bətsyuə lekpo bə bákpe mɛ lə diyo itsyise nyifo Kristo eto uyifoyifo eso. ¹⁴ Əwunsə ku nyamfoo, mə bokpe lə diyo esi itə bafokanəfo kpə esi bakpe utu bawunsə lə Bonamute əmə əsue itə bensiate sikpi lə Ditiki Sɛɛ nəmə budi ku ute.

¹⁵ Lə sitintii, mə nti betidi eto bətsyuə aayɛ lə kutsyuəsɛ kpəkpə əsue kedi Kristo eto ditiki nəmə kate, nya baala bə baatanko mɛ lə ni bətɛyi əsue, fɛɛ bətsyuə eeyifo nnya ku nsusu sɛɛ. ¹⁶ Ləlabi dítə betidi eto lekpa nuəfə nəmfo bə babe Ditiki Sɛɛ nəmə letsya mmə, itsyise beyi bənkə bokpe Onanto lékpe mɛ nke nta Ditiki Sɛɛ nəmə disi. ¹⁷ Fɛɛ betidi eto lekpa

tute ábe Kristo letsya læ kusu ko əmə boonyə kutəkə kətə mə suə eso, nya inni læ ɔnukualə əsuə, bomu bæ læ beyifo nko læ kanyi ka minlə bunyə læ diyo nəmə kafo læ kabe kato kaso.

¹⁸ Fɛɛ nyamfo menyifo kulesa. Nya ni bæ utsyuə abe Kristo letsya læ sidia, sidia əsuə o-o, læ ɔnukualə əsuə o-o, mɔ alɛɛ, bæ bábe Kristo letsyaa, nnya mate aakpe mɛ disuəyue. ¹⁹ Nya muusukosə disuəyue nəmə bunyə itsyise nyi miə ɛye læ mi olatoto əsuə ku læ bɔwunsəko bo laabɔ ketsyi læ Yesu Kristo eto Lɛwɔnɔ əsuəə, booləkə mɛ læ diyo. ²⁰ Nnya əsuə mimfi ənə mintəkə ku minlə kusu bobə kekleke ni bæ medi kofani læ mɔ keyifo əsuə. Bomu bæ lefe saa, ku læ titlu mɔmɔɔ, læ nkpe nkɛale ku mɔ əsuəale kenke, bæ muunə dibu mboko Kristo, læ nkpe nkpe o-o nye læ bukpə minkpe tsysa.

²¹ Nya be ni nkpe? Læ mɔ kutsyəə, nnya ni bæ læ nsi nkpe ntə Kristo. Nya læ nkpee, nnya bomu luusi yooboko mɛ kutəkə eso nɛ. ²² Læ nnya ete minsi muusiə nkpeə, eni muuyifo keyifo ka luubə kutəkə. Fɛɛ mante nnya ele bæ mfi lenti, ukpə lee nkpe. ²³ Mɔ nsusu áma læ akpa əsuə. Eni moola tinti miə maabɔ læ nkpe bomfo nsu nsie læ Kristo ɔflo, itsyise nyamfo alɛkɛ eso famfamfama. ²⁴ Fɛɛ læ mi esoo, efe bæ nsi nsie nkpe læ kawunsie kamfo. ²⁵ Se mimfo nyamfo minɔ nko esoo, nyi miə muusiə læ mible kenke ɔflo nsukosə nyifo bo kenke minlə buyifo bæ læ busu sɛtɔ, læ bunyə disuəyue læ Kristo bofokanɔ əsuə. ²⁶ Nyamfo luutə bæ læ mbə mi ɔflo bioo, biunyə kusu bebesə əsuə kato ɛye læ mɛ əsuə bæ biyifo bani ku Kristo

Yesu eso.

²⁷ Lesa nə lefé mómɔ ni bənkə bisie nkpə bo dinyənkɔ mba léfo Kristo eto Ditiki Sɛɛ nəmə bánɔ. Itə bə lə mbə mi ɔflo o-o, məmbə o-o, lə nnɔ ntsyiko lə mi əsuə bənkə bińyə kekleke lə ləwɔnɔ ku nsusu əsuə nya bińyə kənyekani lə mi bofokanɔ əsuə benle Ditiki Sɛɛ nəmə disi bota. ²⁸ Biante mi balo sikpi. Bomu bińyə ku utu kekleke. Nyamfo loote mə bə mə ebonya bedufə kaso nya mi ebutəkə mə kato, itsyise Onanto nwə nle bəkpɔ kətə mi, ebutə bitəkə kato. ²⁹ Itsyise bətə mi kusu bə bisumu Kristo inni bə lə befo wə bənɔ ete eso, bomu bə lə binyə kanyi tsya lə wə disi eso. ³⁰ Nya mómɔɔ, bəkpɔnkɔ mə lema nəmə. Lema nəmə binyə mıkakpɔ kə əmə ete nə. Nya fe kase bəɛnɔ, ni əmə ke ete minsi minle bəkpɔ nə.

2

Ele Bə Bebokosə Əsuə Kasɔ Bitə Mi Bətsyuə.

¹ Mfo nnɔ miə mi nkpə bo benkpə lə Kristo əsuəə, ətə binyə əsuəale. Nya wə lelabi ləəyuəsə mi ketu. Biyifo bani ku wə ləwɔnɔ, nya benle mi əsuə wəkəkəkəkəkə lə kafəkpe ku kaminsənyənyə əsuə bitə bətsyuə. ² Nnya lə nko ini sitintii, nyale muukənko mi miə bitə lə nyə disuəyuə bə nsusu bəni ku lelabi lə ləkə bo nya lə biyifo ləni lə ləwɔnɔ ku disibubu əsuə. ³ Bienyifo kulesa nə lete mə mate hã eto lələkəsə nye əsuə katobəsəbesə eto ditsyəbi. Bebokosə əsuə kaso, nya bibu betidi bamba fe

balɛkɛ baso mi. ⁴ Nya bɛbɛbɛ betidi bamba eto kasɛɛ, inni fə mate eto lɛlɛkɛsɛ ete.

⁵ Bitə lə nsusu bo lɛkɛ Kristo Yesu, lə bɔkɛ mi tsya. ⁶ Nnya ni bə ite bə okpɛ Onanto eto ditsyebi tsyaa, wóemfi nnya lə əsuəale əsuə nkə lə okate ku Onanto. ⁷ Bomu lə wə kosate eto lelabi əsuəə, úfi lesa saa nə nte wə útə kafo faa, nya úyifo wə əsuə usumutidi. Nya úbə bále fe kawunsia kamfo eto utidi. ⁸ Utidi eto ditsyəbi lɛkɛ wə nya óbokosə əsuə kasɔ nya óyɛ lə kototsyuetsyue eto kusu əsuə úsu taa ukpə kəmiə, ukpə lə uyikabie əsuə. ⁹ Eyɛ lə nyamfo esoo, Onanto ábesə wə kato ka nso kenke, nya úfi diyɛ nə nso bɔmɔ kaso diyɛ saa útəkə wə. ¹⁰ Nya lə bakpadi Yesu eto diyee, ele bə asayifoyifo nnya kenke nkpe kato ku kasɔ ku nnya nkpe lə kasɔnti se akonki bətə wə. ¹¹ Nya məmblɛ luufe kenye batɛyi bə Yesu Kristo ni Bonamute, bə lə befi batesə Onanto wə ni Boanto.

Biyənde Fe Befandebi Lə Kawunsia Kamfo.

¹² Nyaso, mɔ bayimi, fe kase bietsyue mɛ koto lefe saa, ite bə mimbə lə mi oflɔ mɔmɔ tsyaa kulaa, isi efe bə bitsyuə koto beso. Bekplatsya kekɛkɛ lə bifi sikpitete ku ketinkə biyifo keyifo ka diyənko mi buləkə. ¹³ Itsyise Onanto lɛ keyifo lə mi əsuə lefe saa nkə lə yuutə bɛtɔnɔ bitsyuə asa nnya útsyue utsyɛ koto.

¹⁴ Biankpe kənə nye beto taflatsyə lə kulesa buyifo əsuə. ¹⁵ Itə bə lə kawunsuə biabia ka diyi ku abuayifoyifo mfoo, mii, biyifo Onanto eto bebi ba lekpa nya beele ku dikpilolo saa

lambə lə mi əsuə. Lə biyənde lə kawunsie eto betidi eto nti fe kase befandebi læyənde lə kato seka. ¹⁶ Befo ditiki nə lætə nkrə nəmə bələ kekkeke, bə lə Kristo eto diyi nəmə əsuə, mofo lekəsi bəso katəyi minkə méntsyetsyi bimba nye ményifo keyifo bimba. ¹⁷ Mi bofokano lə Bonamute əsuə ku mi keyifoyifoyifo te fenke keditətə kətə wə. Eni mo kəto bokpo lə kaso ekoko keditətə kamfo. Nya lə ibə nkoo, yəke me əkəe nya muunyə disuəyuə tinti ku mi mble. ¹⁸ Nko ke ini nə bə mi tsya nyə disuəyuə beto keyudu ku me nə!

Timoteo Ku Epafrodito.

¹⁹ Lə Bonamte atəno, yəmbəkle, mootsyese Timoteo mi oflo, bə lə usinkli ubə ətyi me kase asa nte lə mi oflo, lə nsi nyə disuəyuə. ²⁰ Lə onukuale əsuəə, mimbə kuutsyuə saa wə leefi kətsyuə lə mo ku mi etiki əsuə fe wə. ²¹ Nya bafəfəe, utsyuə saa le wə lələkəsə ete bobə, nya inni nnya ni Yesu Kristo eto kusu eto ale. ²² Fəe mi kosate yi biə Timoteo aləe, əwunsəkotsyuə uni utə me, kase wəkəko me lə keyifo kamə əsuə fe ubi ku anto itə Ditiki Səe nəmə eto busənsə əsuə. ²³ Nyaso nə kusu bobə miə, lə nyə kase asa nyamə luubə itsyə ku me koo, mootsyese wə mi oflo mlə. ²⁴ Nya mfo nno tsya miə Bonamute əmə kosate ebutə me kusu nkə mbə mi oflo lə lefe kliminti əsuə.

²⁵ Mbu tsya miə ele bə ntsyese bo əyimi Epafrodito mi oflo, wə dínəko me kekkeke lə Onanto eto keyifo əsuə. Wə ni mi ətye wə bətsyese mo oflo biə ubə əwunsəko me.

²⁶ Se unyi nkə bəno biə əsuə abia wə esoo,

ílə wə tinti nya óla kekleke nkə wəəbə unyə mible. ²⁷ Lə sitintii, óno bufi kekleke ibu səkə lə ukpə. Fɛɛ Onanto ənyə wə kaminse, nya inni wə mate bomu ku mɔ tã. Lenni nko eni mɔ kanyinyənyə eto bitsyikə eboso mɛ ani ku butsyi. ²⁸ Nyamfo kulaa eso minla miə matsyese wə mi ɔflo lə binyə wə, lə binyənko wə disuənyə, nya mintsya loola nwɔnɔ mɔ utu siə kasɔ səkə. ²⁹ Nyaso befo wə ani ənuə, binyəko wə disuəyuə lə Bonamute eto diye əsuə. Bitə betidi bamfo eto okle dibu. ³⁰ Itsyise ufi wə əsuə utə nya untə kpə lə Kristo eto keyifo ka nkə woawunsəko mɛ lə nyifo ka biamfo mə bɔwunsəko nyifo eso.

3

Biemfi Əsuə Bitə Əsuə Eto Sinə Eto Asayifoyifo.

¹ Kafɛfɛkɔɔ, mɔ bayimi, binyə disuəyuə bə biyifo bani ku Bonamute. Yenlə mɛ bə nsi nwɔni asa nyamfo ke ntsyese mi, itsyise nyamfo luutə buinyə kekleke nɛ.

² Bɛlɛ ola bińyə bikabe babuayifo bamfó ba leeyifo asa fe bakpa, betidi ba ləəńyə kekleke bə bala əsuə eto sinə, ini lelolala. ³ Bo ni mba léfo lelolala eto lekpa inni mə, itsyise boesumu Onanto ɛyɛ lə wə Lɛwɔnɔ əsuə nya boənyə disuəyuə se buyifo bani ku Kristo Yesu eso. Nya boemfi əsuə butə əsuə eto sinə bola eto lekpayifoyifo.

⁴ Nya lə utsyuə ebu nkə woofɔ əsuə bufi kətə lelolala eto lekpa buyifoo, eni mɔ bomu ele bə mfo əsuə eto sinə eto lekpayifoyifo

eto asa ntə əsuə nso. ⁵ Mɔɔ, se bále mə eto diyi flamfla lee, nnya bála mə lelo nə, Israelnə tinti mini nya mbɔ ntsyi lə Benyamin eto kafo. Hebrinyə kosate kosate wə eto anto ni Hebrinyə tinti wə mini nə. Nya lə Yudafo eto kɔfi əsuəə, nyifo Farisinyə. ⁶ Nya lə kətsyuəfifi lə Yudanyədidi əsuəə, nyifo lə nnya əsuə kekleke itə bə ntəkəko Kristo eto bafokanɔfo kama nte mə ohiã tinti. Nya lə boye lə Yudafo eto kɔfi əsuəə, dikpilolo saa əmbəkə lə mə itsyise, nyifo lə ko əsuə tinti.

⁷ Fɛɛ lə kutəkə kutsyuə akɛ lə nnya əsuə itə mə kɔ əmə tsyaa, mɔmɔɔ, lə Kristo esoo, efiani asa bimba nnya ləmbə kutəkə saa itə mə. ⁸ Sitintii, mfi nyamfo kenke fe asa nnya ləmbə kutəkə saa, itsyise mbə nyə ntsyɛ lekpo miə Kristo Yesu hã ni Bonamute nya nyamfo afe mə eso asa fɛfɛ kenke. Lə wə esoo, ntó lesa saa nkpe nya mimfi asa fɛfɛ kenke fe kuku eto ekubi bə lə Kristo lə oka mə kɔni bonko wə lə buyifo bani, ⁹ lə mfi mɔ əsuə kenke ntə wə. Nyasoo, minsini ɔsɛɛ itə mɔ əsuə eyɛ lə asayifoyifo lə kusu əsuə lə kɔfi komə kalɔ. Kasɛɛ ka ni lə Kristo bofo kanɔ əsuə hã mofo buyifo. Kasɛɛ ka Onanto hã ləetə eyɛ lə bofokanɔ lə wə əsuə. ¹⁰ Nya lesa nə minla ni bə lə nte Kristo ku əsuəale nnya dítə ótakasə wə utsyi ɔkɔmə úbə nkɔpə. Nya lə nnyə kanyi ku wə, lə nyifo lɔni ku wə lə wə ukpə əsuə, ¹¹ ku kusubebe bə Onanto ebotakasə mintsya utsyiko ɔkɔmə oboko nkɔpə.

Paulo Áteyi Kase Ele Bə Uyifo Bə Lə Unyə Kayofofɔ.

12 Minle bótèyi minke mbutəkə kato nye mbɔflɔ nlo. Bomu nle bokplatsya kekleke bə lə mfo kayofofɔ ka Kristo Yesu luufi utə mə. Itsyise Kristo Yesu éyifo mə nkə mfiani wə ole. 13 Lə sitintii, mə bayimi lala, mamfo nnɔ miə mə kɔni éboka kayofofɔ kamə. Bomu lesa nə minle bokplatsya lə nyifo ni lə nta nnya díkafe əsuə le mfi ənəmi ntəkə lə nnya nte setɔ eto kɔniboka əsuə. 14 Nyaso meetsyetsyi bebembe bə lə nsu nsa usunklu əmə nyila, bə lə mfo kayofofɔ ka Onanto lékpadi mə nkə mbə mfo lə kato eyɛ lə Kristo Yesu eso.

15 Bitə lə nsusu bomfo lə bəkə bomba díkabe lə Ləwɔnɔ Kɛnkɛ əsuə. Nya lə mi utsyuə kpe nsusu bamba ntsyuə, Onanto ebuləkə nyamfo ote mi ekpa wuee. 16 Niə, niə, nniə, bitə lə bɔyɛ busu setɔ lə kusu kɔ əsuə búkayɛ ibə ese mɔmɔ.

17 Mə bayimi, bebe mə eyifobi əsuə beyɛ. Bɛlɛ ola bebe mba nsi nkpə lə ditsyəbi sɛɛ əsuə fe kase búsiə bote mi seka. 18 Mbótèyi mi nyamfo sesia, sesia mfe nya mɔmɔɔ, nsi nle mi nnya bótèyi ku binəntu miə bətsyuə kpə eto nkpə bo bensi ətə beyifo balo itə Kristo eto ukpə lə uyikabie əsuə. 19 Betidi bamfo eebudufe lə kanyimanlo manlo eto ute əsuə. Itsyise mə kafo ni mə onanto. Nnya ni afanisaa, nnya əsuə bomu bəənyə disuəyue nya befi mə nsusu bətəkə lə kawunsie eto bikə əsuə. 20 Fɛ, bo alɛɛ, bo umə ni kato nya buńyɛ bɔnlɛ bo Ofomfokətə wə ni Bonamute Yesu Kristo kusu bobɛ bə lə utsyi kato ubə. 21 Wə loofloma bo əsuə eto sinə sia ləmbə ale uyifo

se fe wə kosate eto əsuə eto sinə sia nkpe lə dinyəndə əsuə ɛye lə wə əsuəale əsuə. Nya lə əsuəalə nyamə ke əsuəə, wuunə lesa saa okpe lə wə kɔfi kalɔ.

4

Paulo Áteyi Filipifo Lesa Nə Ele Bə Beyifo.

¹ Nyaso, mɔ bayimi lala ba lefe bitə mɛ, ba minla miə mækənyə. Biakpe mɛ disuəyuə tinti nya maaso lekɔəsi kabesə əsuə kato lə mi disi. Mɔ bayimi lala, nko ele bə biɲyə kekleke lə mi nkpe lə Bonamute əsuə nɛ.

² Nlɛ Ewodia ku Sinteki lekpakpa miə bɛnɔ bətsyuə kasɔ lə besinkli bisie fe bayimisiə lə Bonamute eso. ³ Nya mi tsya ba ni mɔ beyifotsyuə lalaa, nla miə bɛwunsəko besio bamfo. Itsyise bəyifo keyifo kekleke bəwunsəko mɛ bə lə busənsə Ditiki Sɛɛ nəmə ku Klemens ku mɔ beyifotsyuə bamba kenke ba eto aye nkpe lə Onanto eto Nkpə eto Kukue kafo.

⁴ Binyə disuəyuə lefe saa bə biyifo bani ku Bonamute əmə. Nsi nlɛ bətɛyi bio miə binyə disuəyuə.

⁵ Bɛke disuətsyə bitə utsyuə saa. Itsyise Bonamute əmə eto dibəfe ebɔfi. ⁶ Biənsie bikala kawɔnɔ lə kulesa əsuə, bomu bikato ola bikətə Onanto lə lesa saa nə lehiã mi əsuə, bikasɔ wə ani itsyi taa mi ketu kəmiə ke. ⁷ Nya Onanto eto diyuə nə nso kawunsiə eto utidi eto kasɔnɔnɔ saa, lə lelɔ mi ketu ku nsusu ditsyɛ lə lɔniyifoyifo ku Kristo Yesu əsuə.

⁸ Lə kalosəkɔɔ, mɔ bayimi, bitə lə lesa nə nso kɔnɔ ku nnya diɲyə itə atesə lə iyi mi nsusu

kəmiə, nyamfo ni lesa nə ni ɔnukuale, lesa saa nə diɲyə itə dibu, lesa saa nə ni lɛsɛɛ, lesa saa nə lekpa, lesa saa nə laano bobɛ ku lesa sa nə dinyənko utidi nɛ. ⁹ Bisie nkpə lə ləsanə bəkase ku bəfo bitsyiko mə ɔflo, itsyi lə mə etikididi ku mə eyifosa tã əsuə. Nya lə Onanto wə ləətə diyuə lə usiəko mi.

Paulo Aso Filipifo Ani Lə Etəsa Nya Bətə Wə Eso.

¹⁰ Lə mə lɔniyifoyifo ku Bonamute əsuəə, iyifo mə disuəyuə tinti bə lə lefe kentsyɛ kamaa bisi bɛɛ buləkə kate mə biə bifi kətsyuə lə mə əsuə. Inni bətəyi minlə miə beni mə lə lefe nəmə, bomu kusu ete yəntə bə biləkə betɛ nko. ¹¹ Nya inni bətəyi minlə miə lesaatsyuə ahiä mə, bomu mbókase lə lesa saa əsuə ku lə kalebe saa miə lesa nə kee nte məɛ, dufə mə ənə. ¹² Nya lesa nə ini bə lesa hiä fə ku lesa nə ini bə, ləsa tsyə fə eso kase fahiäa, mbokase kobe komfo. Itə bə lə kalebe saa ku lefe saa nyi kase muusiə nkpə, imi mə o-o, kukpensə lə mə o-o, ɛlɛkɛ itə mə. Lə ite mə kpə o-o nye elonko mə tsya. ¹³ Əsuəale nnya Kristo ditə məɛ, nnya ləətə mafo nyamfo kenke əsuə nɛ.

¹⁴ Fɛɛ biyifo ɛlɛkɛ tinti bə bəwunsəko mə lə mə bulə kəmiə. ¹⁵ Nya mi Filipifo kosate yi biə idu lefe nə míndu lə Makedoniaa, nya mítsyiko Ditiki Sɛɛ nəmə letsya bobɛ kasɔɔ, mi hã ni bafokanɔfo eto ditsyukpa nə nle mə bəwunsəko, kətə mə asa. Kutəkə mínyə o-o, bɔsɔ ɛsɔ mə o-o, mi hã ni mba díkənko mə. ¹⁶ Lefe nə minke lə Tesalonika kulaa tsyaa, se mínhĩä bəwunsəko, bəwunsəko mə lefe kpə.

17 Nya inni ətəsa minhiã itsyi mi ɔflo eso, bomu kutəkə ko mi luunyə beyenko lə ətəsa nyamfo əsuə. 18 Béfo mə kayo kenke. Nya béfo mə kayo besonsə kase ele be itsyə. Ʒtəsa nya kenke bétsyese mə beyenko lə Epafrodito əsuə əbə éka mə kəni. Ʒtəsa nyamfo eyifo fe keditətə eto asa nnya laanyi fififi befi bətə Onanto nnya dídufə wə ənə nya ékpe wə disuəyuə. 19 Nya bo Onanto kosate ebutə mi ətəsa nnya kenke loohiã mi eyə lə Kristo Yesu eto setabikə ku diyənde kplə nəmə esuə.

20 Bitə lə bətəsə Boanto Onanto itsyi manlo isu manlo kenke. Ibə itə.

Kəsiə Fəfə.

21 Məəsiəsə mba ni Onanto eto bebi ba ni Kristo Yesu eto bale kenke o-o. Nya bayimi ba nkpe lə mə ɔflo mfo tsyaa, bə bəə siəsə mi o-o!

22 Betidi ba kenke léfo Onanto bánɔ nkpe mfo əsiəsə mi kukɔɔ, titlu mba nkpe lə Roma eto Okankplə eto diyo.

23 Lə Bonamute Yesu Kristo eto lefonə lə disiəko mi.

**Onanto eto kakle fofɔ; Sɛkpɛle
Sekpele: Onanto eto kakle fofɔ; Sɛkpɛle New
Testament**

copyright © 2008 Wycliffe Bible Translators, Inc.

Language: (Sekpele)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 22 Sep 2022 from source
files dated 13 Jul 2022

5fc03d2a-3cf8-5607-a6e0-9e1e197140bd